

## Yucatec - Atantzilo Quili'ich Dzíibo' - Wives Scriptures

Efesios 5:22-24 Le atantzilo'obo' ca yanaco'ob tu yáanal u páajtalil u yíchamo'ob, bey je'el bix ti' Yuumtzile'. 23 Tumen le fíchamtzilo' u pool le atantzilo', bey je'el bix Cristo u pool le iglesiao'. Cristoe' leti' xan u tocsajil le iglesiao', lela' u wíinclil; 24 ba'ale' bey je'el bix le iglesia ti' yaan tu yáanal u páajtalil Cristoo' bey xan le atantzilo'obo' unaj u yantal tu yáanal u páajtalil u yíchamo'ob ti' tuláacal ba'al.

Efesios 5:31,33 Tu yo'olal lela' le j xiibo' yaan u p'atic u taata yéetel u maamae' u ti'al u nupicubáa yéetel u yatan, tu ca'a túulalo'ob bíin béeychajco'ob bey jun túulili'e'. 33 Ba'ale' u káat u ya'al xane' cada jun túul ti' te'exe' u yaabilt u yatan je'el bix u yaabilticuba'e', yéetel le atantzilo' u tzic u yícham.

1 Corintios 7:3 Le fíchamtzilo' unaj u dzo'ocbesic ba'ax unaj u beetic jun túul fíchamtzil yéetel u yatan, bey xan le atantzilo' unaj u dzo'ocbesic ba'ax unaj u beetic jun túul atantzil yéetel u yícham.

1 Corintios 7:34 Bey xan yaan u jela'anil ichil le co'olel dzoca'an u beelo' yéetel le mina'an u yíchamo'. Le ma' dzoca'an u beelo', cu táan óoltic u ba'aluba'ob Yuumtzil, u ti'al u quili'ichtal ti' u wíinclil bey xan ti u pixan. Ba'ale' le dzoca'an u beelo' cu táan óoltic u ba'aluba'ob yóokolcaab yéetel bix cun líubul utzil ti' u yícham.

Colosenses 3:18 Atantzile'ex, dzáaba'ex yáanal u páajtalil a wíchame'ex, tumen lela' ma'alob tu táan Yuumtzil.

1 Timoteo 2:11-15 Le co'olelo'obo' x ma' t'aanil unaj u yu'ubico'ob le tzol xiquino'obo' yéetel tuláacal cabal óolal. 12 Tumen ma' tin cha'ic u ca'ansaj le co'olel tu táan máaco'obo', mix ca yanac páajtalil ti' tu yóokol xiib, ba'ale' unaj u maquic u chi'. 13 Tumen Kue' yáax táanil tu beetaj Adan, cu dzo'ocole' ca tu beetaj Eva; 14 Adane' ma' j tu'usi' ba'ale' le co'olelo', le ca j táabsa'abe', j líub ti' keban. 15 Ba'ale' le co'olelo' bíin to'ococ iquil u síjsic u paalal, wa cu p'áatal ti' ocsaj óolal, yaacunaj, quili'ichil, bey xan yéetel cabal óolal.

Génesis 3:16 Ti' le co'olelo' tu ya'alaj: Le quéen yanac a paale' yaan in ya'abcuntic a ki'inamilo'ob, yéetel ki'inamil bíin síjic a paal. Ba'ale' a dzíibolale' leti' cu bin u bisech ti' a wícham, leti'e' yaan u yantal u áajtalil ta wóokol.

1 Pedro 3:1,2 Bey xan te'ex atantzile'ex, dzáaba'ex yáanal u kab a wíchame'ex, u ti'al beyo' wa yaan ti' leti'ob ma' táan u yocsaj óoltico'ob le ma'alob péectzilo', ca kuchuc u yocsaj óolto'ob tu yo'olal bix a cuxtale'ex te'ex, quex ma' a wa'aliqe'ex mix ba'al 2 le quéen u yilo'ob a toj yéetel tziiquil cuxtale'ex.

Tito 2:1-5 Je'el ba'alac ca a wa'ale' unaj mantadz queet yéetel le ma'alob ca'ansajo'. 2 Le ch'ija'an máaco'obo' unaj ma' cáaltal máaco'obi', tziquilbe'eno'ob yéetel toj u tuuculo'ob; unaj utz yanilo'ob ti' u yocsaj óolalo'ob, ti' u yaacunajo'ob yéetel ti' u chuca'an óolalo'ob. 3 Bey xan le ch'ija'an co'olelo'obo' unaj cuxtalo'ob ich quili'ichil, ma' unaj u líiksaj t'aano'obi' mix u cáaltalo'obi'. Unaj u ye'esico'ob jun p'éel ma'alob cuxtal, 4 u ti'al u ca'ansico'ob ti' le x lo'obayan co'olelo'obo' u yaabilto'ob u yíchamo'ob, u yaabilto'ob u paalalo'ob, 5 u tojtal u tuuculo'ob, u canant u cuxtalo'ob, u táan óolt u yotocho'ob, utz u pucsi'ikalo'ob, ca yanaco'ob yáanal u t'aan u yíchamo'ob, u ti'al ma' u po'och'ol u t'aan Yuum Ku.

Proverbios 12:4 Co'olel utz u cuxtale' cu beetic jun túul ajaw u yícham, ba'ale' le kaakas atano' jun puli' u xu'ulsic.

Proverbios 14:1 Le co'olel yaan u yoojéelaje' cu líksic u yotoch; le co'olel mix ba'al u yojele' yéetel u kuuxtal cu kascuntic.

Proverbios 19:13 Jun túul paal mix ba'al yojele' cu beetic u mukyaj u taata. Je'el bix le ja' cu ch'ajlanquile' bey le co'olel x caxan ba'atelile'.

Proverbios 21:9,19 U yúuchul cajtal naklic tu yóokol jun p'éel naje', asab utz ti' yúuchul jaajtal yéetel jun túul co'olel x caxan ba'atel, ti' jun p'éel noj naj. 19 U yúuchul cajtal ti' x tocoy lu'ume', asab utz ti' u yúuchul cajtal yéetel jun túul co'olel séeb u p'u'ujul yéetel x caxan ba'atel.

Proverbios 25:24 U yúuchul cajtal jun tu'uk tu yóokol naje', asab ma'alob ma' ti' jun p'éel cóococh naj tu tzéel jun túul co'olel x caxan ba'atel.

Proverbios 27:15,16 Jun túul co'olel x caxan ba'atele' bey u ch'áajal ja' mantadz tu kiinil ja'ile'. 16 A wóoltic a wet'ic a ba'atele' bey a tucultic a ch'enic yustaj iik, wa a lo'op'ic aceite yéetel a kabe'.

Proverbios 31:10-31 Co'olel cu ca'anbesaj u cuxtale', ma' chéen ch'a'abil u caxta'ali'; ¡asab co'oj u tojol ti' jadzutz tuunicho'ob! 11 U yíchame', cu jach ocsic u yóol ti', ma'atech u bineltic ti' u tojol u náajal. 12 Cu dzáic ti' yícham nucuch utzil óolalo'ob tuláacal u kiinilo'ob u cuxtal. 13 Cu caxantic u tzo'otzel j taman bey xan lino, cu meyajtic tu kabil yéetel qui'imac óolal. 14 Je'el bix u cheem j coonolo'obe', leti'e' cu náachtal u ti'al u man ba'ax kabéet ti'. 15 Ma' qui' sáasaque' cu líikil u ti'al u dzáa ba'al u jaant u paalal yéetel u x palitzilo'ob. 16 Cu dzo'ocol u máan u ma'alob yila'a' jun tzúuc cáacabe', cu manic, yéetel u tojol u náajale' cu beetic u x péet paachil u pakal uva. 17 Cu ca'a mu'uka'ancunticubáa, cu dzo'ocol u ch'a'ic yóole' cu dzicubáa j meyaj. 18 Cu canantic u bin utzil ti' u meyaj, cu chúunul u meyaj ma' sáasaqui' cu p'atic tu yoocbal kiin. 19 Tu kabil cu sacaltic bey xan u jit'ic. 20 Ma' tu ch'éenel u yáantic óotzilo'ob bey le máaxo'ob mina'an ba'alo'ob kabéet ti'ob. 21 Ma' tu péec u yóol tu yo'olal u yotochnáalo'ob tu kiinilo'ob que'el, tumen u láaktzilo'obe' yéetel piimpim noko'ob cu máano'ob. 22 Leti'e' tu kabil cu jit'ic piimpim teep'o'ob, Cu búucbesicubáa tu yéetel u asab jadzutzel nooko'ob. 23 U yíchame', sen kaj óola'an ich le caajo', ti' cu yila'al yéetel u tzicbe'en nuuquilo'ob caaje'. 24 Cu beetic búuco'ob bey xan kax nako'ob, cu conic ti' j maan coonolo'ob. 25 Cu ch'a'ic ya'abcach muuk leti' beetic u tzi'iquil, ma' tu péec u yóol ti' ba'ax cu taal u kiinil. 26 Le quéen t'aanaque' cu t'aan yéetel ojéelaj, cu ca'anbesaj yéetel yaacunaj. 27 Cu p'il ichtic bix u bin u meeyjulo'ob u yotoch, Mix jun téen u jaantmaj waaj ma' u náajalmaji'. 28 Cu yutzil t'anta'al tumen u paalal yéetel tumen u yícham beya': 29 Sen ya'abcach utzul co'olelo'ob yaan, ba'ale', mix jun túul ti'ob quetic a wutzili'. 30 Mix ba'al u biilal u lúubul utzil jun túul co'olel, chéen cunel u qui'ichpamil, ba'ale' co'olel cu tziqic Yuumtzile', leti'e', bín úuchuc t'aan utz tu yo'olal. 31 ¡Utzul t'anta'ac tumen tuláacal caaj! ¡Chíinpoltex tu yo'olal tuláacal ba'ax cu beetic.